

ऊंचे रे भाखर में थारो देवरो,  
ओ ब्राह्मणी मोटी मां,  
थारी धजा फरुके आसमान में,  
आओ माता ब्राह्मणी मां ॥

घेर घुमालो पेरण गागरो,  
ब्राह्मणी मोटी मां,  
थारे ओढ़न डिखणी रो चीर मां,  
आओ माता ब्राह्मणी मां ॥

दूर देशा रा आवे जातरी,  
ओ ब्राह्मणी म्हारी मां,  
थारे आवे आवे नर ओर नार,  
मां आओ माता ब्राह्मणी मां ॥

लड्डू चढ़ावे थाने चूरमा,  
ओ ब्राह्मणी मारी मां,  
थाने चाड़े चाड़े लीलरिया नारियल,  
मां आओ माता ब्राह्मणी मां ॥

हाथा पगल्या री मेहंदी राचणी,  
ओ ब्राह्मणी मारी मां,  
थारे चुड़ला में सोवे रे मसीज,

मां आओ माता ब्राह्मणी मां ॥

ढोल नगारा थारे बाजणा,  
ओ ब्रह्मणी म्हारी मां,  
थारे बाजे बाजे झालर की झंकार,  
मां आओ माता ब्राह्मणी मां ॥

रमेश सारण री सुणजो विनती,  
ओ ब्रह्मणी म्हारी मां,  
थारे युग युग चरणो रो दास,  
मां आओ माता ब्राह्मणी मां ॥

ऊंचे रे भाखर में थारो देवरो,  
ओ ब्राह्मणी मोटी मां,  
थारी धजा फरुके आसमान में,  
आओ माता ब्राह्मणी मां ॥

गायक रमेश सारण बाडमेर  
9571547445

Source: <https://www.bharattemples.com/unche-bhakhhar-me-tharo-devro/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>